



Publicaziuns dalla vischnaunca, jamna 20

Damonda da baghegiar

2024-1038.000

Datum dalla publicaziun: 17-05-2024

Patruns: Gion e Virginia Jacomet-Duff
Via Cons-Su 1, 7180 Disentis/Mustér

Representant: BeerBigliel SA
Via Alpsu 49, 7180 Disentis/Mustér

Intenziun: Sanaziun dil tetg-casa cun cuvrida ord elements fotovoltaics

Edifeci nr.: 223D

Parcella: 584

Adressa: Via Cons-Su 1, 7180 Disentis/Mustér

Zona: Zona da habitar

Zona da prighel: Negina zona da prighel

Protestas:

Ilis plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Carta per indigens 2024

Legreivlamein san las duas vischnauncas da Mustér e Tujetsch era uonn presentar cun la carta gratuita per indigens ina purschida fetg attractiva.

Tgi sa retrer la carta per indigens?

Tuttas personas naven da sis onns ensi cul domicil permanent da habitar e che pagan taglia ellas vischnauncas da Mustér e Tujetsch han il dretg da retrer gratuitamein ina carta per indigens.

Prestaziun

La carta per indigens legitimescha duront tschun differents dis enteifer il temps da menaschi entochen igl october 2024 da far diever gratuitamein dallas pendicularas Caischavedra / Cuolm da Vi / Schneehüenerstock / Gütsch (max. duas pendicularas per di).

IMPURTONT:

La carta per indigens ei da returnar sil pli tard entochen la fin da november 2024 al spurtegl dallas administraziuns communalas dallas vischnauncas da Tujetsch e Mustér.

La carta ei persunala e buca transmissibla.

Suprastonza communal



Elecciuns communalas 2024

Quest'atun han liug las elecziuns dils organs communalas per la perioda d'uffeci 2025/2028. Per quellas elecziuns ha la suprastanza communal fixau ils suandonts datums:

a) Termin d'abdicaziun

Il termin d'abdicaziun per il **cussegl da vischnaunca, la suprastanza communal, il cussegl da scola, la cumissiun da gestiun sco era per tuttas ulteriuras cumissions** e delegaziuns ei vegnius fixaus sin **venderdis, ils 24 da matg 2024**.

Suenter quei termin vegnan las demissiuns publicadas el Fegl official dalla Surselva.

b) Termin per inoltrar propostas

Vischinadis ni gruppaziuns da silmeins 15 votantas e votants han la pusseivladad d'inoltrar entochen 30 dis avon l'elecziun propostas per candidatas e candidats. Las **propostas** ein da far **en scret** e d'inoltrar **entochen venderdis, ils 23 d'uost 2024** all'administraziun communal.

Ufficials che han buca demissiunau valan sco proponi.

c) Termin per las elecziuns

Las elecziuns dils commembers dil **cussegl da vischnaunca, dalla suprastanza communal, dil cussegl da scola e dalla cumissiun da gestiun** han liug **dumengia, ils 22 da settember 2024**. Las elecziuns da tuttas ulteriuras cumissions succedan pli tard entras ils gremis competents.

Suprastanza communal

Invitaziun ad ina sera d'informaziun publica

Venderdis, ils 24 da matg 2024 allas 20:00 en halla Cons, Mustér.

Program

- 20:00 Beinvegni ed informaziuns organisaziun communal
- 20:15 Survesta situaziun finanziala vischnaunca Mustér
- 20:30 Informaziun e discussiun votaziun dils 9 da zercladur 2024
«Pencularas Mustér - Concessiun dil dretg dallas auas»
- 21:00 Informaziun e discussiun votaziun dils 9 da zercladur 2024
«Revisiun parziala dalla planisaziun locala Val Sogn Placi e Val da Cuo»
- 21:30 Finiziun

Suenter l'informaziun vegn offeriu in aperitiv.

La suprastanza communal selegra sin stedia participaziun.

Suprastanza communal

Temps da vacanzas – Ein ils documents da viadi aunc valeivels?

Tgi che planisescha da passentar vacanzas egl exterior, vegn supplicaus d'examinar ad uras ils documents da viadi. Per l'emissiun dils documents sto vegnir quintau cun in temps da spetga d'entochen 10 dis. Nus appellein da far quella controlla, buca che las vacanzas entscheivien cun dagrettas.

Per ulterior sclariment stat il persunal dall'administraziun communal bugen a Vossa disposiziun.

Administraziun communal



Dumbraziun dallas habitaziuns vitas

Igl uffeci federal da statistica meina puspei atras ina dumbraziun dallas habitaziuns vitas. Possessurs da casas ni adminstraziuns d'immobillas che han pigl 1. da zercladur 2024 habitaziuns ni casas d'ina famiglia vitas ein obligai da comunicar quei per telefon 081 920 36 36 ni a scret all'administraziun communal entochen sil pli tard ils **3 da zercladur 2024**.

Sco habitaziuns vitas el senn da quella dumbraziun vegnan quintadas tut las habitaziuns mobiliadas ni buca mobiliadas, las qualas adempleschan las suandontas duas cundiziuns:

- habitaziuns ni casas d'ina famiglia ch'ein pil di da controlla (01-06-2024) vitas, denton habitablas e
- ch'ein pil di da controlla (01-06-2024) screttas ora per schar a tscheins permanentamein per minimalmein treis meins ni venalas.

Nus engraziein per la cooperaziun.

Administraziun communal

Tagl da lenna – serrada dalla via Plaun Menisch

Muort lavurs da transport da lenna cun suga vegn la via da Plaun Menisch ad esser serrada pil traffic motorisau sco era pil traffic plaun. Las lavurs cuozan prevedentamein entochen ils 24 da matg 2024. Pertuccau ei il tschancun da Plaunca Su – Pardi sco era Fontanettas – Plaun Menisch.

Per damondas urgentas eis ei da contactar il selvicultur Simon Cathomen, telefon; 081 920 36 41.

Bien engraziament per l'enconuschientscha e capientscha.

Uffeci forestal Disentis/Mustér

Meglieraziun Disentis/Mustér - Serrada dalla senda Acletta-Muntasch ed Acletta- S. Catrina

Muort las lavurs da construcziun dalla Via Acletta Petschna restan las sendas naven d'Acletta en direcziun Crest Muntatsch e S. Catrina e naven dil Crest Muntatsch enviers Acletta e naven da Sontga Catrina enviers Acletta serradas, naven dils 13 da matg entochen ils 22 da zercladur, mintgamai duront l'jamna per tut traffic. La fin d'jamna ed ils firaus ei il transit pusseivels, aschinavon che las lavurs da construcziun lubeschan quei. Il transit sil tschancun Muntatsch – S. Catrina resta era duront quei temps pusseivels.

Uffeci infrastruttura e baghegiar Disentis/Mustér

Administraziun communal

Muort il firau da **gliendisdis Tschuncheismas, ils 20 da matg 2024** resta l'administraziun communal **serrada igl entir di**.

Bien engraziament per Vossa capientscha.

Administraziun communal



Controlla da habitonts

Naschientscha

Lea Schnoz, naschida ils 10 da matg 2024, feglia da Jennifer e Lucas Schnoz

Administraziun communal

Biblioteca populara Disentis/Mustér e contuorn

Topps EURO 2024 – buorsa da brat

Neu era ti **mardis, ils 21 da matg 2024** allas 15.30 –17.00 en biblioteca e bratta tes taccaders da Topps cun auters fans da ballapei!

Di svizzer da preleger

Mesjamna, ils 22 da matg 2024 allas 14.30 legin nus avon ina historia e mussein vid ina gronda preit ils maletgs ord il cudisch. Suenter quei kino da cudischs da maletgs per romontsch astgan ils affons leger avon historias al tgaun Tinca.

Nus selegrein sin tia viseta!

Il team dalla biblioteca

Corporaziun da manteniment Mompé Medel

Invit alla radunonza generala, gliendisdis, ils 27.5.2024 allas 20.15 el local dall'Uniun da scursalar Mompé-Medel.

Einladung zur Generalversammlung Korporation Straßenunterhalt Mompé-Medel, Montag 27.5.2024 um 20.15 Uhr im Lokal des Schlittel Vereins Mompé-Medel.

Tractandas:

1. Elecziun d'in dumbravuschs / Wahl des Stimmzählers
2. Protocol / Protokoll
3. Rapport dil president / Bericht des Präsidenten
4. Rendaquen 2022 e 2023 / Jahresrechnung 2022 und 2023
5. Rapport dils revisurs ed approbaziun dils quens /
Revisorenbericht und Genehmigung der Jahresrechnungen
6. Adataziun dils status ed il reglement conform alla lescha surordinaria dalla vischnaunca Disentis/ Mustér /
Anpassung der Statuten entsprechend dem übergeordnetem gesetz der Gemeinde Disentis/Mustér
7. Approbaziun dalla „cunvegientscha da prestaziun» cun la vischanunca Mustér /
Genemigung der Leistungs-Vereinbarung mit der Gemeinde Disentis
8. Adataziun indemnisaziun lavur cumina e maschinas /
Anpassung der Entschädigung für Arbeit und Maschinen
9. Lavur cumina / Gemeinnützige Arbeit
10. Varia

Cordialmein envida

Per la suprastonza il president
Placi Manetsch



Uniun da tiradurs Sedrun-Tujetsch

Pusseivladads da sittar igl obligatori e campester 2024

Campester: Venderdis, ils 24 da matg allas 18:00-20:00
Campester: Sonda, ils 25 da matg allas 17:00-19:00
Obligatori e campester: Venderdis, ils 31 da matg allas 18:30-20:00
Obligatori e campester: Mesjamna, ils 12 da zercladur allas 18:30-19:30
Obligatori e campester: Venderdis, ils 23 d'uost allas 18:00-19:30

Cun plascher beneventein nus tiraduras e tiradurs el stan da sittar La Resgia a Sedrun.

Medel – Mustér – Tujetsch s'entaupan a Stagias, Academia Vivian

El center stat ina sentupada denter vischinas e vischins dallas treis vischnauncas, in scomi cultural ed ina paterlada intercomunala.

Sontgilcrest, ils 30 da matg 2024 a partir dallas 15.30 a Stagias, Academia Vivian.

Program

15.30 Avertura dalla sentupada
16.00 Plaid da beinvegner ed in apero offerius dallas treis vischnauncas Mustér, Medel e Tujetsch
16.15 Entschatta dil program cultural
– Produzioni dils sunatibas da Tujetsch
– Albert Lutz, oriunds da Soliva raquenta ord siu cudisch «Val Medel e sia populaziun dils 18 e 19avel tschentaner»
– Produzioni dalla gruppa da costumes Mustér
17.30 Pusseivladad da tschenar. Cuschina organisada entras Pally Beno

Impurtont: Negina pusseivladad da pagar cun carta da pagaments.

Transports gratuits (vegnan organisai dallas vischnauncas)

S'annunziar entochen gliendisdis, ils 27 da matg 2024:

Tujetsch: Forum cultural Tujetsch, 078 612 08 40 ni info@thendry.ch
Mustér: Administraziun communal, 081 920 36 44 ni cwetzels@disentis.ch
Medel: Administraziun communal, 081 920 33 66, ni info@medel.ch

La sentupada ha liug mo da bialaura. En cass da dubi datan las paginas d'internet dallas vischnauncas sclariment.

Sin ina scuntrada tut speciala selegnan ils responsabels per la cultura dallas treis vischnauncas.



Societad da musica Mustér

Concert da primavera, sonda, ils 18 da matg 2024, allas 20.00, silsüenter stiva da caffè e **dumengia, ils 19 da matg 2024**, allas 17.00. Mintgamai en halla Cons Mustér.

Entrada libra, collecta

Frühjahrskonzert, Samstag, 18. Mai 2024, um 20 Uhr, danach Kaffeestube und **Sonntag, 19. Mai 2024**, um 17 Uhr, jedes Mal in der Halle Cons, Disentis.

Eintritt frei, Kollekte

TCS- Regionalgruppe Surselva

Basel Tattoo

Mira sut Ilanz/Glion!
